




Kubika ngesikhatsi se-*lockdown*

African Storybook

Khanyisa Masemola





Lona ngumsakato weSiteshi se-RX Radio losakatela e-Red Cross Children's Hospital eKapa.

I-RX Radio siteshi semsakato lesiphetfwe bantwana, nalesentelwe bantwana. Bavame kusakatela eStudio lesikhona lapha kulesibhedlela.

Le-Studio besivaliwe ngesikhatsi se-lockdown.




Lona ngu-Akhona. Ungumbiki wetindzaba te-RX Radio.

Ngesikhatsi se-*lockdown*, Akhona wehlulekile kwetfula luhlelo lwakhe etindlini tekusakata te-RX Studio.

Eluhlelweni lwakhe lwemsakato, Akhona ucocisana nebantfu ngetinkinga letibatsintsako.

Bekanesifiso sekubika ngemitselela ye-*lockdown* emphakatsini wakubo.



Kepha ngenca ye-*lockdown*, Akhona wehlulekile kucocisana nebantfu buso nebuso.

Ubese wacela emalunga emphakatsi wakubo lanetincingo kutsi amtfumelele emavi emilayeto.


Ngemuva kwaloko, Akhona urekhode loluhlelo asekhaya asebantisa lucingo lwakhe. Nayi leminyeye imilayeto latfunyelelwe yona.



Umlayeto wathishela Thuli:

“Maye! Ngikhumbule bafundzi bami! Ngibatfumelela umsebenti wesikolo ngisebentisa licembu le-*WhatsApp* lenginalo nebatali babo.

Kepha umphakatsi lengifundzisa kuwo uphuyile lokwenta kube lukhuni mbamba ngalabanye batali kutsi bangene ku-intanethi. Loku kuyinsayeya.”



Umlayeto waRiaz:

“Ngikhatsatekile ngemphilo yami. Bantfu labaphila nekukhubateka bavame kuba nemasotja emtimba labutsakatsaka. Njengemuntfu lohamba ngesihlalomasondvo, akuhlali kumelula kuwasha tandla kepha emalunga emndeni wami alusito kakhulu.

Ahlale acinisekisa kutsi nginayo isanithayiza yekusula tandla.”



Umlayeto waKhethiwe:

“Umndeni wakitsi mkhulu, futsi emkhatsini wetfu kukhona labo labenta imisebenti lebalulekile emphakatsini, kepha kwanyalo abahlali natsi.

Sichubeka sithandazela kuphepha kwabo, kanye nekwetfu.”



Umlayeto waGogo Gabbie:

“Angisiye thishela, kepha nyalo sengigucuke thishela webantfwana lababili ekhaya. Bobabili badzinga kunakwa lokufananako.


Ngenca yaloko, simo ekhaya siyacindzetela kakhulu. Ngenhlanhla, tsine sine-*WiFi* lengenamkhawulo.”



Umlayeto waBuhle:

“Mine i-lockdown isengakangitsintsi kangako ngobe ngingumuntfu lohlala asendlini. Ngiphuma kuphela nangiya esikolweni nasesontfweni.

Ngitsintseke kuphela ngesizatfu sekutsi sengishaywa ngumoya khona lapha ebaleni lami kuphela.”



Umlayeto waLwazi:

“Inkinga lenkhulu lengibukene nayo yekufundza kwami. Ngetayele kufundziswa ngumuntfu lengimbona ngemehlo eme embi kwami.

Kulukhunyana kufundziswa nguthishela lomlalele elucingweni nome lombona kuvidiyo.”



Akhona ukhetsa imilayeto lotawuyisebentisa eluhlelweni lwakhe, bese urekhoda luhlelo lwakhe.

“Sanibonani, lona ngu Akhona, nginetfulela umbiko ngisekamelweni lami. Kungase kungevakali kahle.

Lamuhla sitawutfola litfuba lekuva kutsi batali, bothishela nebantfwana babhekana njani ne-lockdown...”

—Imibuto

1. Bhala inchazelo yalamagama: bantfu labaphuyile, emasotja emtimba, lokungenamkhawulo.
2. Nguyiphi insayeya Thishela Thuli labukane nayo?
3. Yini leyenta Riaz akhatsateke ngemphilo yakhe?
4. Yini leyenta Gogo Gabbie acindzeteleke?
5. Ungatsini kute usite Thishela Thuli, Riaz naGogo Gabbie?
6. Fundza ngetindlela letisihlanu Inhlango Yesiphambano Lesibovu.
7. Umndeni wakho ungakusekela kanjani ngemsebenti wesikolwa?
8. Chaza tinzuzo letimbili tekufundza thishela eme embikwakho.

Lencwadzi yetindzaba isekelwe embikweni wesiteshi semsakato lokutsiwa yi-RX. I-RX Radio siteshi semsakato sebantfwana lesiku-intanethi, lesisungulwe saphindze sakhelwa bantfwana.

I-RX Radio isakatela e-Red Cross War Memorial Children's Hospital eKapa.

I-RX Radio isita bantfwana bacoce ngetintfo letibalulekile kubo.

[Vakashela i-RX Radio](#)



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



basic education

Department:
Basic Education
REPUBLIC OF SOUTH AFRICA

*The Ulwazi Lwethu readers and storybooks have
been quality assured and approved by DBE.*

Your attribution should include the following:

Title: Kubika ngesikhatsi se-lockdown

Author/s: African Storybook

Translator/s: Simangele Khoza


Illustrator/s: Khanyisa Masemola

Assurer/s: Mduduzi Benjie Shongwe

Language: Siswati

© Zenex Foundation - Saide 2025 (Updated Edition)

CC BY includes the following elements:

BY  - Credit must be given to the creator

